

PROBAS DE ACCESO A CICLOS FORMATIVOS DE GRAO SUPERIOR CURSO 2019-2020

FINALIDADE E PERSONAS DESTINATARIAS DAS PROBAS DE ACCESO A CFGS:

permitir ás persoas que non posúan o título de bacharelato nin un título de técnico de formación profesional, nin outros estudos equivalentes para os efectos de acceso, a posibilidade de continuaren formándose en CFGS coa madurez e a idoneidade suficientes para cursaren con aproveitamento estas ensinanzas.

ACCESO MEDIANTE PROBA:

- AQUELES ALUMNOS/AS QUE NON CUMPRAN OS REQUISITOS ACADÉMICOS ESIXIDOS PARA ACCEDER A ELES E TEÑAN OS 19 ANOS OU OS FAGAN NO ANO DE REALIZACIÓN DA PROBA.

PROBAS DE ACCESO ADAPTADAS ÁS PERSOAS QUE ACREDITEN DISCAPACIDADE :

As persoas con necesidades específicas derivadas de alteracións físicas, psíquicas ou sensoriais cun grao de discapacidade igual ou superior ao 33% poderán solicitar as medidas ou recursos adicionais necesarios para desenvolver a proba de acceso.

Quen solicite **proba adaptada** deberao facer constar **expresamente no momento da inscrición e, soamente en caso de non ter que ser emitido pola Xunta de Galicia ou opoñerse á súa consulta, presentar o certificado do grao de discapacidade emitido polo organismo competente, así como o seu ditame técnico facultativo.** Con independencia do anterior, tamén poderán solicitar a adaptación das probas as **persoas diagnosticadas de transtorno por déficit de atención e hiperactividade (TDAH).** Esta solicitude de proba adaptada farase constar **expresamente na solicitude de inscrición e xubtaráselle a xustificación documental do diagnóstico de TDAH (informe médico e informe psicopegagoxico se o houbere).**

A adaptación da proba que deben superar estas persoas **deberá respectar o esencial dos referentes de avaliación establecidos para as probas de acceso aos ciclos formativos medio e superior.**

Os centros de inscrición comunicarán a resolución da proba adaptada ás persoas que a solicitasen. As listaxes provisional e definitiva da proba adaptada poderán consultarse na secretaría do Centro onde se realizase a inscrición polas persoas interesadas **,non serán publicadas na internet nin nos taboleiros de anuncios.**

CONSERVACIÓN DA CUALIFICACIÓN DAS PARTES SUPERADAS:

Quen teña realizada a proba de acceso a ciclos de formación profesional na CAG nos anos 2018 ou 2019 e non a superase na súa totalidade **poderá solicitar a conservación da cualificación obtida nas partes superadas cunha puntuación igual ou superior a cinco para a presente convocatoria. En caso de solicitar a conservación, non poderá examinarse desa parte ou desas partes da proba.**

VALIDEZ DAS PROBAS DE ACCESO : artigo 42 do D 114/ 2010:

a) **As probas de acceso a CFGM e CFGS terán validez en todo o territorio do Estado** .Nos ciclos formativos de grao superior, o acceso a cada un deles mediante proba quedará determinado de acordo coa parte específica desta

b) **Quen realice a proba na CAG e non a supere na súa totalidade poderá manter a cualificación obtida nas partes superadas cunha puntuación igual ou superior a cinco en futuras convocatorias de probas de acceso a ciclos formativos en Galicia, durante os dous anos seguintes.**

As exencións concedidas ao abeiro da presente convocatoria manterán a súa validez nas futuras convocatorias de probas de acceso a ciclos formativos de formación profesional en Galicia, sempre que se manteña a estrutura da proba.

RECURSOS :

Contra a listaxe definitiva de persoas admitidas, a resolución definitiva de exencións, a resolución definitiva de probas adaptadas e as cualificacións definitivas da proba de acceso poderase interpor recurso de alzada no prazo dun mes, contado a partir do día seguinte ao da publicación da correspondente listaxe definitiva, ante o director xeral de Educación, Formación Profesional e Innovación Educativa da Consellería de Cultura, Educación e Ordenación Universitaria, segundo o disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

NOTIFICACIÓNS:

As notificacións de resolucións e actos administrativos practícaranse preferentemente por medios electrónicos e, en todo caso , cando as persoas interesadas resultan obrigadas a recibilas por esta vía

. As persoas interesadas que non estean obrigadas a recibir notificacións electrónicas poderán decidir e comunicar en calquera momento que as notificacións sucesivas se practiquen ou se deixen de practicar por medios electrónicos. As notificacións realizaranse mediante o Sistema de notificación electrónica de Galicia (Notifica), dispoñible a través da sede electrónica da Xunta de Galicia (<https://sede.xunta.gal>).

O Sistema de notificación electrónica de Galicia -Notifica.gal remitirá ás persoas interesadas avisos da posta á disposición das notificacións, á conta de correo e ou tfno móbil que conste na solicitude . Estes avisos non Terán, en ningún caso, efectos de notificación practicada e a súa falta non impedirá que a notificación sexa considerada plenamente válida. A persoa interesada deberá manifestar expresamente a modalidade escollida para anotificación (electrónica ou en papel).

No caso de que as persoas interesadas obrigadas a recibir notificacións só por medios electrónicos deberán optar en todo caso pola notificación por medios electrónicos sen que sexa válida, nin produza efectos no procedemento unha opción diferente.

As notificacións por medios electrónicos entenderanse practicadas no momento en que se produza o acceso ao seu contido. Cando a notificación por medios electrónicos fose expresamente elixida pola persoa interesada, entenderase rexeitada cando transcorresen dez días naturais desde a posta á disposición da notificación sen que se acceda ao seu contido. Se o envío da notificación electrónica non fose posible por problemas técnicos, a Administración xeral e do sector público autonómico de Galicia practícará a notificación polos medios previstos na normativa reguladora do procedemento administrativo común.

COMPROBACIÓN DE DATOS : . Para a tramitación deste procedemento consultaranse automaticamente datos en poder das administracións públicas. :

- DNI ou NIE da persoa solicitante

Consultaranse ademais os seguintes datos cando a persoa interesada faga constar nas solicitudes que lle é de aplicación a circunstancia que acredita o documento correspondente :

- 1) Certificado do grao de discapacidades, cando fose expedido por organismos dependentes da Xunta de Galicia (documento 1)
- 2) Ditame técnico facultativo, cando fose expedido por organismos dependentes da Xunta de Galicia (documento 2)
- 3) Certificado de realización dunha proba de acceso a ciclos formativos de grao superior de formación profesional, realizada en Galicia (documento 4)
- 4) Certificado de superación dunha proba de acceso a ciclos formativos de grao superior de formación profesional, realizado en Galicia (documento 5)
- 5) Título de técnico auxiliar da Lei 14/1970, do 4 de agosto, Xeral de Educación e Financiamento da reforma educativa (documento 6)
- 6) Certificación da resolución de deportista de alto nivel (documento 8)
- 7) Título de técnico deportivo (documento 10)
- 8) Título de técnico de artes plásticas e deseño (documento 11).

2- No caso de que as persoas interesadas se opoñan a esta consulta, deberán indicalo no cadro correspondente habilitado no formulario e achegar os documentos.

3-Excepcionalmente no caso de que algunha circunstancia posibilitase a obtención dos citados datos,poderase solicitar ás persoas interesadas a presentación de documentos correspondentes.

DATAS E LUGARES DE INSCRICIÓN: A solicitude de inscrición, segundo o modelo do anexo II, para as probas de acceso aos ciclos formativos de grao superior irá dirixida ao director ou á directora de calquera centro docente público da Consellería de Cultura, Educación e Ordenación Universitaria que imparta ciclos formativos de formación profesional no curso académico 2018/2019. **O prazo de presentación estará abranguido entre os días 10 e 19 de febreiro de 2020, ambos os dous incluídos.**

PRESENTACIÓN DE SOLICITUDES E DOCUMENTACIÓN :

As solicitudes presentaranse preferiblemente por vía electrónica a través do formulario normalizado de solicitude, anexo II (código de procedemento ED312D) dispoñible na aplicación informática “ciclos probas” ([https:// www.edu.xunta.es/ciclos probas /PaxinaInicio.do](https://www.edu.xunta.es/ciclosprobas/PaxinaInicio.do)) accesible desde a sede electrónica da Xunta de Galicia, [https:// sede.xunta.gal](https://sede.xunta.gal)

1-Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema usuario e clave chave 365 ([https:// sede.xunta.gal](https://sede.xunta.gal))

2- Tamén se poderán presentar as solicitudes na secretaría de calquera Centro docente público da Consellería de Educación, Universidade e Formación Profesional que imparte Ciclos Formativos de Formación Profesional no curso académico 2019-2020 . As persoas interesadas deberán cubrir a solicitude a través de aplicación “ ciclos probas” ([https:// www. Edu.xunta.es/ciclosprobas /PaxinaInicio.do](https://www.Edu.xunta.es/ciclosprobas/PaxinaInicio.do)) que xerara un documento en formato PDF ao formulario normalizado de solicitude , anexo II (código de procedemento ED312D) ou a persoa interesada deberá imprimir e posteriormente presentar no centro de inscrición.

O centro de inscrición elixido pola persoa solicitante tomarase como referencia para a asignación da sede de realización da proba de acceso.

DOCUMENTACIÓN COMPLEMENTARIA NECESARIA PARA A TRAMITACIÓN DO PROCEDIMENTO

As persoas interesadas deberán achegar coa solicitude a seguinte documentación :

- Copia do pasaporte ou do documento de identificación da UE, cando non se dispoña de DNI ou NIE
- Certificado do grao de discapacidade, cando fose expedido por outra CC AA (documento 1)
- Ditame técnico facultativo, cando fose expedido por outra CCAA (documento 2)
- Xustificación documental do diagnóstico de TDAH (documento 3)
- Certificado de realización dunha proba de acceso a ciclos formativos de grao superior de formación profesional, cando fose expedido por outra CCAA (documento 4)
- Certificado de superación dunha proba de acceso a ciclos formativos de grao superior de ensinanzas deportivas ou de artes plásticas e deseño, cando fose expedido por outra CCAA (documento 5)
- Certificado de profesionalidade de nivel II ou superior (documento 7)
- Certificación da resolución de deportista de alto rendimento (documento 9)
- Informe da vida laboral da Tesouraría Xeral da Seguridade Social ou a equivalente da mutualidade laboral que corresponda (documento 12)
- Persoal das Forzas Armadas : certificación de vida laboral expedida pola pagadoría do centro de destino actual, onde consten os empregos desempeñados por destino, coa especialidade militar e o período de exercicio (documento 13)
- Certificación da empresa ou empresas en que adquirise a experiencia laboral ou a memoria descritiva, segundo o modelo do anexo X desta orde (documento 14).

2-A documentación complementaria, presentarase coa solicitude, segundo o establecido nos artigos 31 e 32 desta orde

3- Sempre que se realice a presentación de documentos separadamente da solicitude deberáse indicar o código. O órgano responsable do procedemento, o número de rexistro de entrada da solicitude e o número de expediente, si se dispón del.

4- No caso de que as persoas interesadas se opoñan a esta consulta, deberán indicalo no cadro correspondente habilitado no formulario e achegar os documentos.

5-Excepcionalmente no caso de que algunha circunstancia posibilitase a obtención dos citados datos, poderase solicitar ás persoas interesadas a presentación de documentos correspondentes.

CUALIFICACIÓN DAS PROBAS DE ACCESO A CICLOS FORMATIVOS DE GRAO SUPERIOR

Segundo o disposto no artigo 40 do Decreto 114/2010, a cualificación de cada parte da proba será numérica, entre cero e dez puntos. A cualificación de cada parte será o resultado de obter a media aritmética das cualificacións obtidas nos exames que integran esa parte. A nota final da proba calcularase sempre que se obteña polo menos **unha puntuación de catro puntos en cada parte**, e será a media aritmética destas, expresada con dous decimais. **Será positiva a cualificación de cinco puntos ou superior**. En caso contrario, a nota final cualificarase como

«non apto/a». Para o efecto de cálculo da nota final da proba de acceso non se Terán en conta as partes da proba das cales a persoa participante fose declarada exenta. Así mesmo, en caso de exención de todas as partes da proba, a cualificación final expresarase como «exento/a». **Neste caso, no proceso de admisión a ciclos formativos participarase cunha cualificación de 5,00**

COMISIÓN DE REALIZACIÓN DAS PROBAS DE ACCESO EN CENTROS EDUCATIVOS

De acordo co establecido no artigo 4, con anterioridade ao 18 de marzo, cada Xefatura Territorial da Consellería de Educación, Universidade e Formación Profesional comunicará por escrito á Dirección Xeral de Educación, Formación Profesional e Innovación Educativa o seguinte :

- O nome do inspector ou a inspectora responsable provincial das probas de acceso
- A relación de Centros públicos onde se vaian constituir ás comisións de realización das probas, así como os Centros Adscritos. **O día 15 de marzo** farase pública esta listaxe en cada Centro onde se realice a inscrición na páxina web <http://www.edu.xunta.es/fp>
- A relación das persoas integrantes das comisións de realización das probas, con detalle das funcións ou as tarefas que desempeñarán, en cada caso.

PUBLICACIÓN DE LISTAXES:

Quen desexe información puntual no relativo ás publicacións en todo o proceso do desenvolvemento das probas de acceso a grao superior poderá dirixirse ao lugar onde realizará a súa inscrición, no Centro onde realizou as probas ou ben na páx web <http://www.edu.xunta.es/fp>. Estas listaxes terán efectos de comunicación ás persoas que presenten reclamación.

REALIZACIÓN DA PROBA DE ACCESO: As probas de acceso aos Ciclos de

Grao Superior celebraranse **o día 23 de ABRIL de 2019** .

ESTRUTURA E ORGANIZACIÓN DA PROBA: están definidas no artigo 39.3 do Decreto 114/ 2010.

As probas de acceso aos ciclos formativos de grao superior estruturanse en **dúas partes :común e específica** . Cada parte organizarase en probas de distintas materias conforme o seguinte :

•
A parte común : Organizarase en tres probas :

- Lingua Galega
- Lingua Castelá
- Matemáticas

A parte específica : Organízase con base en tres opcións, A,B,C, en función das familias profesionais e os ciclos formativos aos cales posibilita o acceso segundo se establece o anexo V II .

A persoa aspirante deberá elixira **unha** das tres opcións no momento de formalizar a solicitude de inscrición para a proba, escollendo **dúas** das tres materias das que se desexa que se lle examine :

-Opción A : economía de empresa, lingua estranxeira (inglés ou francés) e filosofía .

-Opción B: debuxo técnico, Tecnoloxía industrial e física

- Opción C: ciencias da terra e ambientais, química e

bioloxía .

HORARIO DA PROBA :

Ás 9 :00 : presentación

Das 9 : 30 ás 13: 00 h parte común da proba (**Matemáticas, Lingua Galega e Lingua Castelá**)

Das 16 : 00 ás 18: 30 h parte específica da proba (**materias específicas da opción**) **vinculada ao Ciclo formativo ao que se desexe acceder segundo o anexo VII desta resolución .**

2- As persoas inscritas deberán presentar, para a realización da proba o seu DNI e a copia da folla da solicitude de inscrición.

A proba de acceso a ciclos formativos de grao superior **calificarase** de cada unha das partes numéricamente, **entre 0 e 10 puntos**. A nota final da proba calcularase sempre que se obteña polo menos unha puntuación de catro puntos en cada unha das partes, e será media aritmética destas, expresada con dous decimais. Será positiva a cualificación de 5 puntos ou superior .En caso contrario, a nota final cualificarase como non apto/a. Para cálculo nota final da proba de acceso non se terán en conta as partes das que a persoa participante fora declarada exenta. Tamén, no caso de exención de todas as partes da proba, a cualificación final expresarase como exento/a. Para admisión en ciclos formativos, a exención total da proba equivalerá a unha cualificación de 5 puntos.

RELACIÓNS PROVISORIAS E DEFINITIVAS DE PERSOAS ADMITIDAS E EXCLUIDAS PARA AS PROBAS:

A relación provisoria de persoas admitidas e excluídas para a realización da proba farase pública **o día 6 de marzo** . Esta listaxe dará información sobre a solicitude e a documentación presentada. No caso das exclusións farase indicación expresa dos motivos que as ocasionen.

Poderanse presentar reclamacións contra a listaxe provisoria desde o **día 9 ao 13 de marzo ambos os dous incluídos**, no mesmo centro onde se realizara a inscrición. Así mesmo, durante o período de reclamación poderase achegar a documentación pendente de entrega ou reclamada pola Administración referente ao solicitado na folla de inscrición.

. A relación definitiva de persoas admitidas e excluídas para a realización da proba farase pública o día 27 de marzo.

EXENCIONES:

De acordo co artigo 39.4 do Decreto 114/2010, quen participe nas probas de acceso a ciclos formativos de grao superior poderá solicitar a **exención total ou parcial da proba**. A persoa solicitante non poderá examinarse da parte ou das partes da proba para as que se lle conceda, nesta convocatoria, a exención.

Poderán quedar **exentas da totalidade da proba** as persoas que acrediten ter superada a proba de acceso á universidade para maiores de 25 anos. Estas persoas han poder participar no proceso de admisión a ciclos formativos de grao superior, presentando directamente o certificado acreditativo correspondente.

EXENCIÓN DAS PARTES DAS PROBAS:

Poderán quedar **exentas dunha parte da proba** as persoas que acrediten mediante o documento xustificativo no que se fai referencia nos artigos 33 e 34 algunha das seguintes circunstancias:

B) Exención da parte común da proba :

- a) Exención recoñecida nunha convocatoria anterior de probas de acceso a ciclos formativos de grao superior en Galicia (documento 4)
- b) Superación da proba de acceso a ciclos formativos de grao superior de formación profesional non incluídos na opción pola que se presente, conforme o anexo VII desta orde. (documento 4)
- c) Superación dunha proba de acceso a ciclos formativos de grao superior de ensinanza deportivas ou de artes plásticas e deseño. (documento 5)

A) Exención da parte específica da proba :

- a) Exención recoñecida, na mesma opción, nunha convocatoria anterior de probas de acceso a ciclos formativos de grao superior en Galicia (documento 4)
- b) Estar en posesión dun título de técnico auxiliar da Lei 14/1970, do 4 de agosto, Xeral de Educación e Financiamento da reforma educativa. A correspondencia entre o título de técnico auxiliar e a familia profesional do Catálogo nacional de Cualificacións Profesionais determinará a opción da parte específica a que lle corresponderá a exención, segundo o establecido nos anexos VIII e IX desta orde.
- c) Superación dun certificado de profesionalidade de nivel dous ou superior dalgunha das familias profesionais (documento 7). Terá exención da opción da parte específica correspondente, segundo a relación establecida no anexo VIII desta orde.

Nas familias Marítimo-Pesqueira e Imaxe e Son, aterase ao disposto no anexo IX desta orde en función da cualificación profesional incluída no certificado de profesionalidade. De publicárense novas cualificacións profesionais, a Dirección Xeral de Educación, Formación Profesional e Innovación Educativa determinará a opción da parte específica da proba de acceso a que lle corresponde a exención.

- d) **As persoas que teñan a condición de deportistas de alto nivel ou de alto rendemento poderán solicitar a exención da parte específica da proba en caso de escoller a opción C,** consonte o establecido no artigo 9.3.a) do Real decreto 971/2007, do 13 de xullo, sobre deportistas de alto nivel e alto rendemento, e no artigo 36.1.f) da Lei 3/2012, do 2 de abril, do deporte de Galicia. (documento 8 ou 9 segundo corresponda)
- e) **As persoas que posúan un título de técnico deportivo poderán solicitar a exención da parte específica da proba en caso de escolleren a opción C.(documento 1)**

f) **As persoas que posúan un título de técnico de artes plásticas e deseño poderán solicitar a exención da parte específica da proba en caso de escolleren a opción B.(documento 11)**

g) Acreditación, como mínimo, do tempo equivalente a un ano de experiencia laboral a xornada completa de xeito que exista correspondencia entre as actividades profesionais desenvolvidas e as unidades de competencia dunha cualificación profesional de nivel dous ou superior do Catálogo nacional de Cualificacións Profesionais. As persoas interesadas deberán cumprir este requisito con anterioridade ao remate do período de inscrición para as probas. Segundo a familia profesional a que pertenza a cualificación profesional obterase exención da parte específica da proba pola opción que corresponda no anexo VIII desta orde. Nas familias Marítimo-Pesqueira e Imaxe e Son observarase o disposto no anexo IX desta orde en función da cualificación profesional. De publicarse novas cualificacións profesionais, a Dirección Xeral de

Educación, Formación Profesional e Innovación Educativa determinará a opción da parte específica da proba de acceso á que lle corresponde a exención.

1º. En caso de traballadores e traballadoras por conta allea, a documentación para presentar será a seguinte:

- Informe de vida laboral da Tesouraría Xeral da Seguridade Social (vida laboral) ou da mutualidade laboral en que se estivese afiliado/a, onde conste a empresa e o período de contratación.(documento 12). En caso de persoal das Forzas Armadas, certificación de vida laboral expedida pola pagadoría do centro de destino actual, onde consten os empregos desempeñados por destino, coa especialidade militar e o período de exercicio (documento 13)
- Certificación da empresa en que se adquirise a experiencia laboral, segundo o modelo do anexo X desta orde, onde se fagan constar especificamente todos os aspectos requiridos no devandito anexo para cada unha das actividades laborais desenvolvidas pola persoa interesada relacionadas coa exención que solicita.(documento 14)

2º. En caso de traballadores e traballadoras por conta propia, a documentación para presentar será a seguinte:

- Informe da vida laboral da Tesouraría Xeral da Seguridade Social (vida laboral) onde conste o período de cotización no réxime especial de traballadores/as autónomos/as, ou o equivalente da mutualidade laboral en que se estivese afiliado/a. (documento 12)
- Memoria descritiva segundo o modelo do anexo X, realizada e asinada pola persoa interesada, onde se fagan constar especificamente todos os aspectos requiridos no devandito anexo para cada unha das actividades laborais desenvolvidas pola persoa interesada relacionadas coa exención que solicita.(documento 14)

RESOLUCIÓN DAS SOLICITUDES DE EXENCIÓN E DE PROBA ADAPTADA:

A resolución provisoria de exencións e de probas adaptadas farase pública **o día 6 de marzo** . En caso de resolución denegatoria, figurará na listaxe a causa da denegación. . Contra estas resolucións provisorias as persoas interesadas poderán presentar reclamación **desde o día 9 ao 13 de marzo , ambos os dous incluídos**, ante o presidente ou a presidenta do tribunal avaliador das probas, no centro onde se realizara a inscrición. As secretarías dos centros tramitarán as reclamacións a través da aplicación informática.

A resolución definitiva de exencións e de probas adaptadas farase pública **o día 27 de marzo**. En caso de resolución denegatoria, figurará na listaxe a causa da denegación

RELACIÓNS PROVISORIAS E DEFINITIVAS DE CUALIFICACIÓNS :

. A relación provisoria de cualificacións farase pública **o día 11 de maio** . Poderanse presentar reclamacións contra a listaxe provisoria **desde o día 12 ao 15 de maio, ambos os dous incluídos**, no mesmo centro onde se realizase a inscrición. **A relación definitiva de cualificacións farase pública o día 1 de xuño**

EMISIÓN DE CERTIFICACIÓNS:

Todas as persoas participantes nas probas de acceso poderán solicitar as certificacións da proba en calquera Centro Educativo público da Consellería de Cultura, Educación e Ordenación Universitaria con oferta en ciclos formativos de Formación Profesional **a partir do 3 de xuño**.

No caso de **superación total da proba**, e en función da opción elixida de acordo co **anexo VII** desta orde, a devandita certificación incluírá a relación de familias profesionais en que se posibilitará o acceso a ciclos formativos de grao superior, nas condicións de admisión que se establezan.

As persoas **que non superasen a proba na súa totalidade**, esta certificación permitiralle conservar durante os dous cursos seguintes as cualificacións obtidas nas partes superadas para as convocatorias de probas de acceso a ciclos formativos de grao superior na C.A.G

A certificación deberá recoller, pola súa vez, as posibles exencións outorgadas, que manterán a súa validez para futuras convocatorias, sempre que se manteña a mesma estrutura da proba.

DISPOSICIÓN ADICIONAL PRIMEIRA :CERTIFICADOS DE SUPERACIÓN DAS PROBAS POR RESOLUCIÓN ADMINISTRATIVA

As persoas que nas convocatorias de 2018, 2019 e 2020 superasen algunha das partes de proba de acceso de grao medio ou superior na CAG e estean en condicións, logo de rematado o proceso, de acreditar nas partes non superadas algunha das causas de exención previstas nesta orde, poderán solicitar certificación de superación da proba en calquera instituto de educación secundaria onde se impartan os ciclos Formativos de Formación Profesional ou nos CIFP. Tamén, o poderán solicitar aquelas persoas que aínda que non teñan as partes superadas estean en condicións de ter a exención de todas as partes de proba de acceso a grao medio ou superior.

A emisión destes certificados poderase realizar en calquera Centro Docente público que imparta ciclos formativos de FP no curso académico 2019-20

A solicitude realizárase nos modelos **do anexo I e II**, segundo corresponda, dirixida ao Director /a do Centro, a partir da data en que se emitan os certificados da correspondente convocatoria ordinaria e ata o 30 de setembro de 2020

DISPOSICIÓN ADICIONAL SEGUNDA : VIXENCIA DAS CERTIFICACIÓNS DE SUPERACIÓN DAS PROBAS DE ACCESO A GRAO SUPERIOR

A certificación de ter superada a proba de acceso a ciclos formativos de grao medio, consonte o establecido na Orde do 1 de abril de 2002 pola que se regulan as probas de acceso aos ciclos formativos de formación profesional específica, ha ter os mesmos efectos que a certificación da superación da proba de acceso a ciclos formativos de grao medio regulada nesta orde.

A certificación de ter superada a proba de acceso a un determinado ciclo formativo de grao superior, consonte a citada Orde do 1 de abril de 2002, manterá a súa vixencia ata a extinción do

título correspondente establecido pola Lei orgánica 1/1990, de ordenación xeral do sistema educativo.

Logo de extinguido o título establecido pola Lei orgánica 1/1990, de ordenación xeral do sistema educativo, a devandita certificación ha permitir o acceso aos ciclos formativos declarados equivalentes para os efectos académicos, ao abeiro da Lei orgánica 2/2006, do 3 de maio, de educación, segundo se estableza no correspondente real decreto do título.

As certificacións de realización de probas de acceso emitidas ao abeiro da Orde do 2 de decembro de 2008 pola que se regulan as probas de acceso aos ciclos formativos de formación profesional do sistema educativo continuarán vixentes nos termos en que foron emitidos..

DISPOSICIÓN ADICIONAL TERCEIRA :VIXENCIA DAS RESOLUCIÓNS DE EXENCIÓNS DA PARTE ESPECÍFICA DA PROBA DE GRAO SUPERIOR.

Quen dispoña de resolución positiva de exención da parte específica da proba de grao superior, ao abeiro da Orde do 1 de abril de 2002 pola que se regulan as probas de acceso aos ciclos formativos de formación profesional específica, modificada pola Orde do 30 de xaneiro de 2007, poderaa presentar en futuras convocatorias mantendo a súa validez sempre que a opción elixida, A, B ou C, inclúa o ciclo para o que se concedese a devandita exención.

DISPOSICIÓN ADICIONAL CUARTA: PRESENTACIÓN E/ OU CORRECCIÓN DO D.N.I:

De se detectaren erros no número do documento de identificación (DNI, NIE, pasaporte ou documento de identidade dun Estado da Unión Europea), poderase solicitar a súa corrección en calquera momento a través dunha reclamación presentada na secretaría do centro de inscrición. A esta solicitude deberáselle xuntar unha fotocopia do documento de identificación, e deberá estar asinada polo director ou a directora do centro, que o comunicarán por vía de urxencia á Subdirección Xeral de Formación Profesional.

DISPOSICIÓN ADICIONAL QUINTA : AROUVAMENTO E DESTRUCCIÓN DAS PROBAS:

A Dirección Xeral de F.Profesional e Ensinanzas Especiais será a encargada do arquivamento dos exámenes durante un mínimo de 3 meses tras a súa finalización. Transcurrido este período poder procederse á destrución de probas das que non se formule reclamación. No caso de exámenes, reclamados e dos impugnados, a documentación conservarase durante un período de 5 anos.

DISPOSICIÓN ADICIONAL SÉTIMA : TRAMITACIÓN DA INFORMACIÓN:

Os Centros de inscrición e os de realización dispoñibles tramitarán a información e a documentación referente ó alumnado participante a través da aplicación informática facilitada pola Dirección Xeral de Educación, Formación Profesional e Innovación educativa ou por calquera outro medio que determine

NOTA :Toda a información e a documentación referente ás probas de acceso aos ciclos formativos poderá consultarse na páxina web: [http:// www.edu.xunta.es/fp](http://www.edu.xunta.es/fp).

Para calquera información adicional estarán disponibles os servizos da Unidade de Atención a Centros (tfno 902 05 445 ; fax 981 934 400 ;endereço electrónico uac@edu.xunta.es, ; páxina web www.edu.xunta.es/uac) Tamén, se poderá solicitar información nos servizos de Orientación dos I.E.S e dos Centros Integrados de F.Profesional.

Nos exámenes das probas de acceso a ciclos formativos de grao superior con preguntas “tipo test” soamente haberá unha resposta correcta.A cualificación obtida en cada pregunta correctamente contestada será de 0,5 puntos. As respostas incorrectas descontarán 0,125 puntos cada unha.As preguntas non contestadas non descontarán puntuación.